

PRAVILNIK O ZVANJIMA

Član 1.

Zvanja u Asocijaciji za umjetničku fotografiju u Bosni i Hercegovini (u daljem tekstu AUF BiH) su počasna, strukovna i zvanja u kreativnoj fotografiji.

Član 2.

Počasna zvanja su počasni član AUF BiH i zaslužni član AUF BiH. Počasni članovi mogu da budu pravna i fizička lica koja djeluju izvan organizacije AUF BiH, a koji su dali doprinos razvoju fotografije u BiH. Zaslužni članovi mogu biti fizička lica članovi AUF BiH.

Priznanje zaslužni član dodjeljuje se članovima za izvanredne uspjehe u organizacijskom i obrazovnom radu te fotografskom stvaralaštvu.

Član 3.

Zvanje instruktor AUF BiH dodjeljuje se na lični zahtjev pojedinca. Kandidat za instruktora mora imati završen instruktorski seminar sa položenim završnim ispitom i samostalno rukovoditi sa najmanje tri kursa fotografije. Preporuku i podatke iz gornjeg stava daje udružena članica u AUF BiH (klub, sekcija, foto grupa i sl.) na propisanom obrascu.

Član 4.

Zvanja u umjetničkoj (kreativnoj) fotografiji su:

- fotograf III klase (F3AUF BiH)
- fotograf II klase (F2AUF BiH)
- fotograf I klase (F1AUF BiH)
- kandidat za majstora fotografije (KMF AUF BiH)
- majstor fotografije (MF AUF BiH)

Član 5.

Uslovi za sticanje zvanja **Fotograf III klase** su osvojenih 100 bodova na izložbama. Uslovi za sticanje zvanja **Fotograf II klase** su osvojenih 300 bodova na izložbama. Ova zvanje dodjeljuje Upravni odbor ili Skupština Kluba, a ukoliko je fotograf član foto grupe ili foto sekcije zvanje dodjeljuje AUF BiH na osnovu podnesenog zahtjeva pojedinca.

Član 6.

Uslovi za sticanje zvanja **Fotograf I klase je osvojenih 600 bodova** na izložbama od čega 200 bodova mora biti osvojeno na izložbama pod patronatom FIAP-a. Kandidat mora da bude član AUF BiH najmanje 3 godine u Kontinuitetu, te da je osvojio najmanje 5 nagrada lii pohvala na izložbama prvog, drugog i međunarodnog ili FIAP ranga. Zvanje se dodjeljuje na osnovu podnesenog zahtjeva pojedinca ili udružene organizacije na posebnom obrascu ovjeren od strane udružene organizacije.

Za dodjelu zvanja fotograf I klase podnosi se Umjetničkom savjetu na ocjenu kolekcija od 15 radova koji su bili izlagani i nagrađivan na izložbama fotografija.

Dobitnik zvanja fotograf prve klase na osnovu ispunjenih uslova stiče pravo apliciranja za zvanja AFIAP u sljedećoj kalendarskoj godini.

Član 7.

Zvanje **Kandidat majstora fotografije AUF BiH** dodjeljuje umjetnički savjet AUF BiH. Uslovi za sticanje zvanja su :

- kontinuirano članstvo u AUF BiH najmanje 5 godina
- da je autor na izložbama osvojio 1500 bodova, od toga bar 500 na međunarodnim izložbama pod patronatom FIAP-a, sa 30 različitih radova.

- da je osvojio najmanje 10 nagrada ili pohvala na izložbama 1., međunarodnog i FIAP ranga, a od toga 50%na međunarodnim i FIAP izložbama.
- da je dobio pozitivnu ocjenu od strane umjetničkog savjeta za priloženu kolekciju od 30 radova, od čega 15 radova moraju biti izlagani i nagrađivani na izložbama, a 15 radova se dostavljaju po izboru kandidata
- da je održao tri samostalne izložbe
- da je prošlo najmanje dvije godine dana od sticanja zvanja fotografa I klase

Dobitnik zvanja KMFAUFBiH na osnovu ispunjenih uslova stiče pravo apliciranja za zvanja EFIAP u sljedećoj kalendarskoj godini.

Član 8.

Zvanje **Majstor fotografije AUFBiH** dodjeljuje Umjetnički savjet AUFBiH. Uslovi za sticanje zvanja su :

- kontinuirano članstvo u AUFBiH najmanje 5 godina
- da je kandidat osvojio na izložbama najmanje 2800 bodova od toga najmanje 1000 na međunarodnim izložbama pod patronatom FIAP-a sa najmanje 40 različitih radova
- da je osvojio najmanje 16 nagrada ili pohvala na izložbama 1., međunarodnog i FIAP ranga, a od toga 50%na međunarodnim i FIAP izložbama.
- da je dobio pozitivnu ocjenu od strane Umjetničkog savjeta za priloženu kolekciju od 50 radova, od čega 25 radova moraju biti izlagani i nagrađivani na izložbama, a 25 radova se dostavljaju po izboru kandidata
- da je imao najmanje pet samostalnih izložbi
- da je prošlo najmanje tri godine od sticanja zvanja kandidat majstora fotografije .

Član 9.

Postupak sticanja zvanja bilo kojeg nivoa započinje podnošenjem zahtjeva AUFBiH uz sljedeću dokumentaciju :

- spisak izložbi koji sadrži naziv izložbe, mjesto održavanja, popis primljenih fotografija i spisak dobivenih nagrada
- za F1, KMF i MF prilaže se kolekcija fotografija sa priloženim spiskom radova u printanoj formi izložbenog formata i u digitalnoj formi na CD-u standardnog zapisa po pravilima FIAP-a
- za KMF i MF dokaz o održanoj samostalnoj izložbi (katalozi i sl.)
- ovjera organizacije, foto grupe ili sekcije

Zvanje dodjeljuje Umjetnički savjet AUFBiH.

Član koji nije dobio zvanje može konkurisati ponovo naredne godine.

Član 10.

Umjetnički savjet i predsjednika Umjetničkog savjeta imenuje Upravni odbor AUFBiH. Odluku o zvanju donose najmanje tri člana umjetničkog savjeta. Članove Umjetničkog savjeta za dodijelu zvanja za tekuću godinu imenuje predsjednik Umjetničkog savjeta. Najmanje dva člana Umjetničkog savjeta moraju dati pozitivnu ocjenu kolekcije fotografija. Obrazloženje o dodijeli zvanja ili odbijanju Umjetnički savjet je dužan pismeno dostaviti autoru. Umjetnički savjet sastaje se jedanput godišnje neposredno prije održavanja Dana fotografije BiH.

Član 11.

Autor može za zvanje konkurisati sa fotografijama u monohrom, kolor4 tehnic i kombinovano. Fotografije moraju biti veličine 30x40 cm i moraju biti isprintane na fotografskom papiru. Fotografije moraju imati obavezan paspartu (crni okvir i bijeli rub) te minimalna duža strana treba da je 30 cm, a fotografije kvadratnog formata 25x25 cm. Svaki rad mora sadržavati broj u kolekciji, ime i prezime autora, naziv fotografije i naziv kluba ili sekcije.

Kolekcije obavezno moraju biti predate i u digitalnom zapisu na CD sa minimalnom rezolucijom 300 dpi i dužom stranicom 2800 dpi.

Ukoliko priložena kolekcija odstupa od ovih normi Umjetnički savjet donosi odluku da li de je prihvatiti u razmatranje ili ne. Pripremu dokumentacije za sjednicu Umjetničkog savjeta vrši koordinator za dodjelu zvanja.

Materijali i kolekcija dostavljeni za zvanja ne vraćaju se autorima bez obzira da li je zvanje dodijeljeno ili ne. Zah-

tjev za dodjelu zvanja podnosi se na obrascu AUF BiH. Za svaki zahtjev plaća se taksa čiju visinu određuje Upravni odbor AUF BiH.

Član 12.

Bodovanje za zvanja vrši se na osnovu ranga izložbe. Odnos ranga izložbe i bodova dat je u tabeli 1.

Član 13.

Izlaganje van konkurencije, što važi i za članove žirija, kao i održana samostalna izložba ne donosi bodove.

Član 14.

Upravni odbor vodi evidenciju svih zvanja u fotografiji (prva klasa, KMF i MF). Oblik i izgled priznanja i plaketa za zvanja utvrđuje Upravni odbor. Zvanja se u pravilu uručuju na prigodnim svečanostima.

Član 15.

Sva zvanja dobivena u Foto savezu Jugoslavije stečena do 01.04.1992. godine važe i upisuju se u registar zvanja na osnovu podnesenog zahtjeva i dokaza o zvanju. Osvojeni bodovi do 01.04.1992 godine određuje se prema Pravilniku Foto saveza Jugoslavije usvojenog u Prištini 13.11.1976. godine.

Sve sporne situacije rješavaju se na osnovu podnesenog zahtjeva pojedinca u pisanom obliku predsjedniku Umjetničkog savjeta.

Član 16.

Pravo tumačenja ovog Pravilnika ima Upravni odbor AUF BiH.

Član 17.

Ovaj Pravilnik stupa na snagu danom donošenja. Donošenjem ovog Pravilnika prestaje da važi Pravilnik o zvanjima donesen 15. oktobra 2014. godine.

Tuzla, 21. septembar 2019.god.

TABELA 1

Rang izložbe	Primljena fotografija	Diploma Pohvala	III nagrada	II nagrada	I nagrada
IV	1	2	4	6	10
III	2	3	6	10	14
II	3	4	8	14	20
I	4	6	10	18	26
međunarodna	5	8	14	22	30
FIAP izložba	8	12	20	30	40
državna kolekcija	6	----	----	----	----
ostale izložbe	1	----	----	----	----

Predsjednik AUF BiH:

Božanović Ozren

